

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), a nakon provedenog postupka nabavke putem direktnog sporazuma, zaključen je:

U G O V O R o nabavci naftnih derivata

Između:

1. Bosna i Hercegovina, Vijeće ministara, Direkcija za evropske integracije, Đoke Mazalića broj 5, Sarajevo, koju zastupa direktorica Elvira Habota (u daljem tekstu: Ugovorni organ)
i
2. PETROL BH OIL COMPANY d.o.o. iz Sarajeva, ulica Džemala Bijedića broj 202, kojeg zastupa direktor Gregor Žnidaršič i prokurist Bojan Košir (u daljem tekstu: Dobavljač)

Član 1.

(1) Ovim Ugovorom ugovorne strane su se sporazumjele da će Dobavljač tokom cijelog ugovorenog perioda, vršiti isporuku za Ugovorni organ, na teritoriji Bosne i Hercegovine goriva po ukupnoj cijeni ponude u iznosu od 4.221,80 KM bez PDV-a.

(2) Sastavni dio ovog Ugovora je ponuda Dobavljača broj: 117/24 od dana 18.09.2024. godine, sačinjena prema Obrascu za cijenu ponude.

R.b.	Naziv nabavke	Jedinica mjere	Predviđena količina	Jedinična cijena bez PDV-a	Ukupna cijena bez PDV -a
a	b	c	d	e	f (d x e)
1.	DIZEL BAS EN 590	Litar	750	2,02	1515,00
2.	PREMIUM bezolovni benzin 95 BAS EN 228	Litar	1450	2,02	2929,00
3.	UKUPNA CIJENA PONUDE BEZ PDV-a				4444,00
4.	POPUST				222,20
5.	UKUPNA CIJENA PONUDE SA POPUSTOM BEZ PDV-a				4221,80

Član 2.

Ugovorne strane su se sporazumjele da će se, u periodu važenja ovog Ugovora plaćanje vršiti na bazi važećih maloprodajnih cijena u vrijeme isporuke i to ispostavljanjem mjesečne fakture, sa prilogom kojeg čine: evidencija pojedinačno isporučene količine, jedinična cijena goriva, registarske oznake vozila Direkcije za evropske integracije, datum sipanja, broj odobrenja sipanja, vrstu goriva, ime i prezime vozača i potpis vozača.

Član 3.

(1) U obim roba iz člana 1. ovog Ugovora podrazumijevaju se robe po prihvaćenim cijenama bez PDV-a, prema Obrascu za dostavljanje ponuda.

(2) Dobavljač se obavezuje da će Ugovorni organ svrstati u „prioritete“, odnosno da će za Ugovorni organ imati posebne rezervisane količine robe koje su predmet nabavke u bilo kojem trenutku, neovisno od situacije na tržištu.

(3) Isporučka ugovorene robe je Fco. benzinske pumpe Dobavljača. Spisak benzinskih pumpi na teritoriji Bosne i Hercegovine dostavljen je uz ponudu broj: 117/24 od 18.09.2024. godine i čini sastavni dio ovog Ugovora.

Član 4.

- (1) Dobavljač se obavezuje da robu fakturiše u ugovorenim rokovima, na osnovu otpremnih dokumenata (otpremnicu i sl.) potvrđenih od Ugovornog organa da je robu preuzeo, te izdao i predao fakture i to na dan preuzimanja robe.
- (2) Dobavljač se obavezuje na nepromjenljivost ponuđenih cijena tokom cijelog ugovornog perioda. U slučaju promjene cijene na tržištu zbog koje se mijenja cijena dostavljena u ponudi od dana 18.09.2024. godine, Dobavljač je dužan obavijestiti Ugovorni organ te dostaviti pismeno obavještenje od strane nadležne institucije uz ispostavljenu fakturu za isporučenu robu.
- (3) Izmjena cijena se ne može vršiti bez suglasnosti Ugovornog organa.

Član 5.

- (1) U slučaju da Dobavljač povremeno nije u stanju izvršiti ugovorenu isporuku za Ugovorni organ, isti se obavezuje nadoknaditi, po tom osnovu stvarne troškove, koje je imao Ugovorni organ.
- (2) Ukoliko Ugovorni organ ocijeni da Dobavljač nije u stanju kontinuirano i kvalitetno izvršiti preuzete obaveze sukcesivne isporuke roba iz člana 1. ovog Ugovora, jednostrano će, bez njegove suglasnosti, otkazati ovaj Ugovor.

Član 6.

Ugovorni organ se obavezuje da će za izvršenu uslugu izvršiti plaćanje u roku do 15 dana od datuma fakture, koja će se obračunavati mjesečno.

Član 7.

- 1) Ovaj Ugovor se može raskinuti na osnovu sporazuma ugovornih strana.
- 2) Ovaj Ugovor može se raskinuti i jednostrano i to iz sljedećih razloga:
 - a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;
 - b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;
 - c) drugih razloga u skladu sa važećim zakonima.
- 3) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.
- 4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz ugovora, ovaj Ugovor će se smatrati raskinutim.

Član 8.

Ovaj Ugovor se zaključuje na određeno vrijeme, u trajanju do 12 (dvanaest) mjeseci počev od dana 15.11.2024. godine.

Član 9.

Odredbe ovog Ugovora ne mogu se mijenjati nakon njegovog zaključivanja.

Član 10.

Na ostala prava i obaveze ugovornih strana, koja nisu regulirana ovim Ugovorom, primjenjivat će se odredbe Zakona o obligacionim odnosima Bosne i Hercegovine.

Član 11.

Ugovorne strane su suglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Suda Bosne i Hercegovine.

Član 12.

Ovaj Ugovor je sačinjen u 4 (četiri) istovjetna primjeraka, od čega svaka ugovorna strana zadržava po 2 (dva) primjerka.

Dobavljač

Direktor i prokurist

Broj: U-1352/24

Datum, 28.10.24

M.P.

Ugovorni organ

Direktorica

Broj:

Datum,

M.P.

05-14-16-4-TB-62-6/24
28.10.2024. godine

[Handwritten signature]